

საქართველოს კანონი

„საავტომობილო ტრანსპორტის შესახებ“ საქართველოს კანონში ცვლილების შეტანის თაობაზე

მუხლი 1. „საავტომობილო ტრანსპორტის შესახებ“ საქართველოს კანონში (საქართველოს პარლამენტის უწყებები, 1994–1995, №№27–30, მუხ. 575) შეტანილ იქნეს ცვლილებები:

1. პირველ მუხლს დაემატოს შემდეგი შინაარსის 1² პუნქტი:

„1². კლასიკური ავტომობილი - მექანიკური სატრანსპორტო საშუალება, რომელიც აკმაყოფილებს საქართველოს მთავრობის შესაბამისი კანონქვემდებარე ნორმატიული აქტით დადგენილ მოთხოვნებს და რომლის წლოვანებაც აღემატება 40 წელიწადს.“.

2. კანონს დაემატოს შემდეგი შინაარსის 8⁶ მუხლი:

„მუხლი 8⁶. კლასიკური ავტომობილი

ავტომობილის კლასიკურ ავტომობილად მიჩნევის წესი და კრიტერიუმები, რომლებსაც იგი უნდა აკმაყოფილებდეს, ასევე ექსპლუატაციასთან დაკავშირებული საკითხები განისაზღვრება საქართველოს მთავრობის კანონქვემდებარე ნორმატიული აქტით.“.

მუხლი 2. 2023 წლის 1 მაისამდე საქართველოს მთავრობამ უზრუნველყოს ამ კანონის პირველი მუხლის მე-2 პუნქტით გათვალისწინებული „საავტომობილო ტრანსპორტის შესახებ“ საქართველოს კანონის 8⁶ მუხლით განსაზღვრული კანონქვემდებარე ნორმატიული აქტის მიღება.

მუხლი 3.

1. ეს კანონი, გარდა პირველი მუხლისა, ამოქმედდეს 2023 წლის 1 მაისიდან.
2. ამ კანონის პირველი მუხლის ამოქმედდეს 2023 წლის 1 ივნისიდან.